

Segunda carta de San Pablo a los CORINTIOS

Corinto vāme cūti macana, Cristore ajitirūnrāre, Pablo ĩ ucacōare queti

¹⁻² ¿Ñati mūa Corinto vāme cūti macana, Dios sūori ĩ macu ocare ajitirūncōari, rējarūgūrā? Adi queti mūare ucaja yua. Jesucristo sūori Dios yarā ñaja mūa. Mūa rī mere ucaja yua. Mūa ye sitana, Acayana jediro Dios yarā adi quetire ĩna ĩarotire bojaja yua. Mūare quēnarotirā, mani jacu Diore, to yicōari, Jesucristo mani ũjare ado bajise mūare sēnibosaja yua: “Quēnaro mūa rāca ĩna ĩarotire yirā, ĩnare ejarēmoña”, mūare yisēnibosaja yua. Yu ñaja Pablo, adi paperare mūare cōagū. “Yu ocare gājerāre gotimasiocudirucūja mu” yigu, Dios ĩ bojarore bajiro yure cōacami Jesucristo. Mani maigū, Timoteo rāca ñaja yu.

³ Diore ĩre rūcubuoato, mani ũju Jesucristo jacure.

ĩne ñaami manire ĩamaigū. Mani tuoīasūtiritisere, “Sūtiritibeticōato” yigu ñaami. ⁴ Ñajediro rojose mani tāmūojama, manire ejarēmōrūgūami. To bajiro manire ĩ yisere masicōari, mani quēne, gājerā rojose ĩna tāmūojama, ĩnare ejarēmomasiruarāja mani. ⁵ “Diorāca quēnaro ñato” yigu, rojose manire tāmūobosayumi Cristo. To bajiri, gājerā Diorāca quēnaro ĩna ĩarotire yirā, rojose tāmūobosarūgūaja yua quēne. Būtobusa rojose yua tāmūoñaro rīne, “Sūtiriti tūjacōari, variquēnato” yigu, būtobusa quēnaro manire ejarēmōrūgūgūmi Cristo. To bajiro ti bajijare, “Quēnaro yaja mu”, Diore ĩre yivariquēnarūgūaja yua. ⁶ To bajiri, mūare quēnaro yua ejarēmosere, to yicōari, ĩ rāca quēnaro mūa ĩarotijare quēne

tuoĩarã ñari, rojose tãmuorũgũaja yua. To bajiro yua bajiboajaquẽne, yuare quẽnaro ejarẽmorũgũami. To bajiri, yua suorine muare quẽne ĩ ejarẽmojare, mua quẽne, rojose tãmuoboarine, Cristore ajitirũnu tujabetiruarãja. ⁷ “Rojose mani tãmuorore bajiro rojose tãmuorã ĩna ñajare, manire ĩ ejarẽmorore bajiro ĩnare quẽne ejarẽmogũ yigumi Dios” yimasirã ñari, “Cristore ajitirũnu tujabetiruarãma”, muare yituoĩaja yua.

⁸ Yu mairã, adoju, Asia sitaju buto rojose yua tãmuocatire mua masisere bojaja yu. Buto rojose tãmuocana ñari, “Yuare sĩabeticõato” yirã, no bajiro yimasibeticaju yua. ⁹ “Manire sĩaruarãma”, yituoĩacaju yua. “Dios ñaami manire rujeor’i, rijariarãre quẽne catiogũ. To bajiri adigodojũre ĩ sĩgũne ñaami manire maigũ” yua yituoĩarotire yiro bajicaju. ¹⁰ Yuare ĩna sĩaborotire yirẽtobosayumi Dios. To bajiri, “Ĭ yicatore bajiro manire yirẽtobosarucumi quẽna”, ĩre yituoĩa variquẽnacõa ñaja yua. ¹¹ Diore mua sēnise suorine yuare ejarẽmoruarãja mua quẽne. Gãjerã quẽne, yuare sēnibosaruarãma. To bajiri ĩna rãca jãjarã ñaruarãja mua, yuare quẽnaro Dios ĩ yisere ajicõari, “Quẽnaro yaja mu”, Diore ĩre yirona.

“*Ado bajiro* tuoĩagũ ñari, mua tũju vabeaja yu maji”, Pablo ĩ yire queti

¹² Ado bajise tuoĩacõari, variquẽnaja yua: “Dios ĩ bojarore bajiro masare quẽnaro yicaju mani”, yituoĩaja yua. Masare yitorã me ñaja yua. “Corinto macana rãca ñarã, quẽnaro Dios ocare gotimasiocaju”, yituoĩaja yua. Yuare quẽnaro yiyumi Dios, “Gãjerãre quẽnaro yato” yigu. Yuare masune yua tuoĩasene gotibeticaju. Dios ĩ masise rãca to bajiro yicaju yua. ¹³ Muare ucacõarã quẽnaro riojo mua ajimasirotire ucacaju yua. To bajiri ñajediro yua ucacatire quẽnaro ajimasĩũja mua. Bero quẽne, jediro yua ucarotire ajimasiruarãja mua. ¹⁴ To bajiboarine,

yua ucasere quēnaro ajimasijeobeaja mua maji. Quēnaro yuare mua ajimasijeosere bojaja yua. Yuare mua ajimasijeojama, mani ŋju Jesucristo ĩ tudiejarirũmu ti ejaro, “Quēnaro yuare gotimasioñuma Pablo mesa”, yivariquēnaruarāja mua. Yua quēne, “Quēnaro ajitirũnurã ñaama”, yituoĩa variquēnaruarāja.

¹⁵ Tire tuoĩagũ ñari, quēna muare ĩagũ varua tuoĩacaju yu. “To bajiro yu bajijama, ĩnare yu ejarēmojare, butobusa variquēnaruarãma”, muare yituoĩaboacaju yu.

¹⁶ “Macedonia sitaju vacu, ĩnare ĩarētoarucuja yu. Quēna tudiagu, ĩnare ĩarētoadirucuja”, yituoĩaboacaju. Mua tũju ejadõari, “Judea vãme cuti sita yu ejamasirotire yirã, yure ejarēmoruarãma”, muare yituoĩaboacaju. To bajiro yituoĩaboarine, beroju ricati tuoĩacaju yu. ¹⁷ Mua tũju yu ejabetijare, “Quēnaro tuoĩabecune, to bajise yituoĩaboayumi”, yure yirãja mua. “To bajiro yirucuja yu” yiboarine, ricatijua yigu me ñaja yu. ¹⁸ Mani jacu Dios, riojo gotigu ñaami. To bajiri yu, yu babarã quēne riojo gotirã ñaja yua. To bajiro yiruarāja yua yijama, yua yirore bajirone yaja yua. “To bajiro bajirã ñaama”, yuare yĩagũmi Dios. ¹⁹ Jesucristore ajitirũnugũ ñari, to bajiro yaja yu. Yu Pablo, Silvano^a, Timoteo quēne, Jesucristo yere muare goticaju yua. ĩ ye queti socase me ñaja. “To bajiro yirucuja” yiboarine, ricatijua yire me ñaja. To bajiri, “Yiruarāja” yua yirore bajirone gotirũgũaja. ²⁰ “Quēnaro masare yirucuja” Dios ĩ yigoticũre jedirore yijeogu ñaami Cristo. To bajiro yigu ĩ ñajare, quēnaro Diore yirũcubuo variquēnaja mani. ²¹ ĩne ñaami Dios, muare, to yicõari yuare quēne, Jesucristo yarã mani

^a **1:19** Jesucristore ajitirũnugũ ñari, to bajiro yaja yu. Yu Pablo, Silvano, Timoteo a 1.19 Silas ti yijama, griego oca rãca yiyuju. Silvano ti yijama, latín oca rãca yiyuju. Hch 15.22; 18.5; 1 Pe 5.12 macañã.

ñarotire yigu, manire beser'i. To yicōari, yuare ï ye ocare ùmato gotimasioronare yuare cūcami. ²² “Yu yarã ñaruarãma yuja” yigu, mani usurijure cōañumi, Esp'iritu Santore. Mani usurijure ejacōari, ï ñajare, “Jesucristo yarã ñaja mani. To bajiri Dios ï gotiriarore bajirone jediro ï ñaroju quēnamasusere bujaruarãja”, yimasiaja mani.

²³ Ado bajiro tuoïagũ ñari, mua tujũ vabeticaju yu maji: Mua tujũ ejacōari, muare yu gotiserene, “Tud'ire bajiro ajisutiritiroma” yigu, vabeticaju yu. To bajiri vabeticōari, “Queti yu ucase rãca ñnare gotirucuja maji”, yituoïacaju yu. Socu me yaja yu. Riojo masiami Dios quēne. ²⁴ Muare rotuarã me to bajiro muare gotimasioaja. Jēre Diore quēnaro tuoïamasirã ñaja mua. Quēnaro mani ñajediro variquēnase rãca butobusa Diore mani masirotire yirã, muare ejarēmorigũaja yu.

2

¹ Tirũmujũ mua tujũ ejacōari, muare yu gotiro, buto sutiriticaju mua. To bajiri sutiriticaju yu quēne. To bajiro ti bajijare, quēna yu ñaro rĩjoro mua sutiritirotire bojabecu ñari, “Ïna tujũ ïagũ vabecuja yu maji”, yituoïacōacaju yu. ² Mua sutiritijama, ñimũ rãca variquēnabetiboguja yu. To bajiri muare yu gotise suorine mua sutiritisere bojabecu ñari, vabeticaju yu. ³ Mua tujũ ejacōari, sutirititegu, muare paperare ucacōacaju, mua rãca yu variquēnarotijure bojagu ñari. ⁴ Ti quetire muare ucagu, sutiriticōari, buto oticaju yu. Tire mua ïasutiritirotire bojabeticaju. Tire ïacōari, “Buto manire maiami Pablo” mua yimasiroire bojacaju.

“Rojose yirere masirioya”, Pablo ï yire queti

⁵ Mũa rãcagũ rojose ã yirere ajicõari sutiriticajũ yũ. Yũ sãgũ me sutiriticajũ. Rojose ã yirere masicõari, sutiritiri-arãja mũa quẽne. Bũtobũsa ã sutiritirotire mũa yisere bojabeaja yũ. ⁶ Jẽre jãjarã rẽjacõari, rojose ã yire vaja rojose ãre yiyuja mũa. “To cõrone rojose tãmũoato” ãre mũa yisere bojaja yũ. ⁷ Rojose ã yirere masiriocõari, ãre baba cutiya quẽna. To bajiro mũa yibetijama, sutiriticõari, Cristore ajitirũnũ tũjacoarũcũmi. ⁸ To bajiri quẽnaro ãre yiya mũa yuja, “Yũre maiama’ yimasianto ã” yirã. ⁹ Tirũmũjũ papera mũare ucacõacajũ yũ, “¿Yũ yirotsere yicõati?” yimasirũ. ¹⁰ Gãji rojose ã yirere mũa masiriojama, yũ quẽne ã yirere masirioaja. To bajiri rojose ã yire ti ñajama, ãre masiriorũcũja. Bũto mũare maigũ ñari, Cristo ã ãaro rĩjorojũ to bajiro yirũcũja. ¹¹ Mani gãmerã masiriocõa ñajama, vãtĩjũ ã bojarore bajiro manire rotimasibecũmi. Bajirãjũma, masare rojose ã yitoajerũgũsere jẽre masiaja mani.

Troas vãme cuti macajũ ejacõari, Pablo ã tũoãrejaire queti

¹² Troas vãme cuti maca ejacõari, Cristo oca quẽnasere toanare gotimasio ñacajũ yũ. To yũ bajirone, jãjarã masa yũre ajirã ejacama. ¹³ To bajiro ãna ajirũaboajaquẽne, yũjũa, mani maigũre mũa tũjũ yũ cõacacũre Tito vãme cutigũre bũjabeticõari, bũto tũoãrejaicajũ yũ. To bajiri, toanare vare goticõari, ãre macagũ vadicajũ yũ, adoju, Macedonia sitajũ.

¹⁴ “Cristo manire ã rijabosare sũorine vãtia mũjũ, rojose yirotigũ, manire ã rotiriarore bajiro yibeticõato” yigũ yiyumi Dios. To bajiro ã yijare, vãtia mũjũre ajibeticõari, Dios ã bojasejũare yirũgũaja mani. “Jedirojũ quẽnase sũtise ti sutibatorore bajiro ñajediroanare ti quetire gotibatoato” yigũ, yũare goticudi rotirũgũami. To bajiro yigũ ã ñajare, “Quẽnaro yaja mũ”, Diore yivariquẽnato mani.

¹⁵ Ti quetire masare yua gotibatocere ïavariquēnagūmi Dios. Yua gotibatose suorine masa jediro, Dios tujū varona, rojose tāmūotujabetiriaroju varona quēne, tire ajjedirāma. ¹⁶ Cristore ajitirūnumena rojose masu ïna bajirotire yua gotimasiosere ajiteama, rojose tāmūotujabetiriaroju varona ñari. Gājerājuama, Dios tujū varona, quēnase masu ïna bajiroti yua gotijare, tire ajivariquēnaama. Yua masune yua tūoïasene gotibeaja. Dios ï masise rāca tire gotimasiorūgūaja. ¹⁷ Bajirājuama, gājerā, jājarā ñarāma, Dios ocare gotimasiorā. ïnama, “Tire goticōari, gājoa bujarāsa” yirā ñaama. Yuaajuama, ïnare bajiro yirā me ñaja. Jesucristo yarā, Dios ï cōariarā ñari, ï ïaro rïjoroju rācūbuose rāca ï ocare gotimasiorūgūaja.

3

“‘Quēnaro mūare yirūcūja’ Dios ï yiriarodo ti ejajare, ado bajiro bajiaja”, Pablo ï yire queti

¹ ïna masurione, “Quēnaro gotimasiorā ñaja”, yama Pablo mesa. Papera jūro, “‘Quēnaro gotimasioama’ yir-ijūro gājerā ïnare ïna ucabosariajūrore ïoroti ñaja” yirere yiboarāja mūa. Bajibeaja. Gājerā gotimasiorimasajuama, to bajiro yiriajūrore ïna ïorore bajiro ïoroti me ñaja yuarema. ² Mūa ñaja “Dios ocare quēnaro gotimasioama” yua yïorijūrore bajiro bajirā. Mūare ïacōari, “Pablo mesa, ïnare ïamaicōari, Dios ocare quēnaro gotimasioñuma”, yuare yimasirāma masa jediro. Rojose mūa yirere yitūjacōari, quēnaro mūa yisejuare ïarā ñari, to bajise yirāma. ³ “Cristo ï ejarēmojare, to bajiro bajiaama”, mūare yimasire ñaja. Tirūmūju gūtajāirijū ucatucūmasiriarore bajiro mūare yibesumi Dios. Ado bajiroju yiyumi: Mūa usūju Esp'iritu Santore cōañumi. To yicōari, quēnasejuare tūoïarotire yiyumi, “Cristo yarā ñaama” gājerā mūare ïna yirotire yigū.

⁴ “Cristo suorine manire ejarēmoami Dios” yirā ñari, “Ti quetire quēnaro gotimasioaja”, yaja yua. ⁵ “Yua masurio yua masise rāca masare gotimasioaja”, yibeaja yua. Ñajediro quēnase yua yise, Dios ī masise rāca yaja. ⁶ To bajiri Dios oca tirūmuayere ī vasoarere gotirētobumasiaja yua. “Yu roticūsere cūdijeobecune, ī bajirocajama, rojose tāmūotujabetiriaroju varucumi”, yigotiyuja tirūmuaye. Mameayejuama, tirūmuayere bajiro me bajiaja. Ado bajirojua bajiaja: “Esp'iritu Santore suorā rīne yure cūdiruarāma. To bajiri, Diorāca ñacōa ñarūgūruarāma”, yigotiaja Dios oca.

⁷ Tirūmuju ī rotirere gūtajāiriju ucacōari, Moisés ñamasir'ire īsimasiñuju Dios. Tire ñna cūdijeobeti suorī rojose tāmūotujabetiriaroju varoti ñamasīñuju. Tire ī īsirone, buto yaase rāca ejayuju, “Dios ye ñaja” yiro. Ado bajiro bajimasīñuju ti: Dios ī ucarijāirire ī boca juarone, buto ī rioga yaamasīñuju, Moisére. Buto yaarica rioga cūtigū ī ñajare, īre īamasibetimasīñujarā israelita masa. To bajiboarine yoaro mene quēna yaabéticoamasīñuju. ⁸ Adirodorirema, mameaye oca, Dios ī vasoare ñajare, Esp'iritu Santo, mani usuriju ejacōari, ī ejarēmose suorine Diorāca mani ñacōa ñarūgūrotire masiaja mani. To bajiri “Tirūmuaye oca rētoro ñamasuse ñaja mameaye oca Dios ī vasoare”, yituoīaja mani. ⁹ Tirūmuaye oca Moisére cūgū, “Ñamasuse ñaja”, yīomasīñuju Dios. To bajiro ī yire ti ñaboajaquēne, gājerā tire cūdijeomena ñari, “Rojose tāmūoruarāja”, yituoīamasīñujarā masa. Yucurema mameaye oca Dios ī vasoare suorine, “Dios ī īajama, rojose mana ñaja”, yimasīaja mani. To bajiri, “Tirūmuaye rētoro ñamasuse ñaja”, yimasīaja mani. ¹⁰ Mameaye oca, Dios ī vasoare, tirūmuaye rētoro ñamasuse ti ñajare, “Ñamasuse me ñariaroja tirūmuayema”, yituoīavasoare ñaja, adirodorirema. ¹¹ Dios ī vasoare, juaji ī vasoabetiroti

ti ñajare, “Tirũmuaye ocama yoaro ñabesuja”, yimasiaja mani. To bajiri yucurema, “Tirũmuaye oca rëtoro ñamasuse ñaja”, yituoïaja mani.

¹² “Ñamasuse ñaja Dios ï vasoare” yituoïarã ñari, bojonemenane tire gotimasiocudirũgũaja yua. ¹³ Moisés ñamasir'ire bajiro bajirã me ñaja yua. Moiséma, Dios ïre ï ñagõro bero, ï rioga yaase yayirũtuasere, “Israelita masa ñaroma” yigu, ï rãjoa jeoriaro jeotoomasinũju. Yuaama, ï yimasiriarore bajiro yayior'i, masare gotimasiobetirũgũaja. ¹⁴ Tirũmũjare quëne Dios ocare ajitirũnũrũabetimasiñujarã israelita masa. To bajiri ï ocare ajiboarine, “To bajiro yirũaro yaja”, yimasibetimasiñujarã. Adirũmuri quëne to bajirone bajicõa ñaama ñna. Cristore ajitirũnũrã rĩne, Dios ocare ñacõari, ajimasiamã ñna. ¹⁵ Tire mũare tudigotiaja yua. Israelita masa, mani mũu Cristore ajitirũnũbeticõari, Moisés ï ucamasire ajimasibeama maji. ¹⁶ To bajiboarine, rojose ñna yisere yitũjacõari, mani mũjare ñna ajitirũnũsũojama, ñnare ejarëmogũmi, “Tire ajimasiatõ ñna” yigu. ¹⁷ Mani mũjare ajitirũnũsuorãre ejami Esp'iritu Santo. To bajiri, “Rojose mana ñaama” Dios ï yĩfavariquënarã ñari, “Dios ï rotimasire mani yijeobeti vaja, rojose manire yirũcũmi Dios”, yituoïabeaja mani. ¹⁸ Jesucristore ajitirũnũrã ñari, “Quënarëtogũ ñagũmi”, ïre yituoïamasiaja mani. To bajiri, ï bojarore bajiro yirũgũaja mani. To yirã rĩne, bũtobusa ïre bajiro bajiruarãja mani, Esp'iritu Santo ï ejarëmorã ñari.

4

¹ Yũare ñamaicõari, ï ocare yũare gotimasiorotiyumi Dios, masare. To bajiro yũare ï yijare, tire tũoïavariquënacõari, ti ocare gotimasiocudirũgũaja yua. ² Masa bojoneosere yirã, yayiorõju ñna yirore bajiro yibeaja yua.

“Manire ajitirũnuato ãna” yirã, masare yitobeaja yua. Gãjerã, “Quênase bũjarãsa” yirã, ãna masu ãna tuoĩarujeorore bajiro gotimavisiobeaja yua, “Manire ãagũmi Dios” yirã ñari. To bajiri, “Quênaro gotimasioama Pablo mesa”, yuare yimasijedirãma masa. ³ Quênaro gotimasiorã yua ñaboajaquêne, jãjarã ñaama tire ajimasimena. Mani ujure ajiterã ñari, to bajiro bajiana. Rojose tãmuotujabetiriaroju varona ñaama ãna. ⁴ “Ajimasibeticõa ñato” Satanás ã yise ñajare, yua gotimasiosere ajimasibeama. ã ñaami vãtia uju, Dios ã bojabetire masare ãnare yirotigũ. Cristo, Diore bajiro bajigu ã ñajare, ã oca quênamasusere ajitirũnucõari, quênaro ãre masa ãna rũcũbuosere bojabeami Satanás. ⁵ “Yua juare rũcũbuoya” yirã me, ti ocare gotimasiorũgũaja yua. “Mani uju Jesucristo juare rũcũbuoato” yirã juaja yaja. Jesũre maicõari, muare moabosarãre bajirone bajirũgũaja, tire muare gotirã. ⁶ Dios, rẽmoju ne adi macarũcuro rẽtiaboarere busurotimasiũuju. Tire ã yimasiriarore bajirone ã yere mani ajimasibetiboarere mani ajimasiro tire yiyumi. To bajiri, “Quênarẽto gũ ñaami Dios”, yimasiaja mani yucũrema yuja, Jesucristo quêne quênamasugũ ã ñasere masirã ñari.

Cristore ajitirũnucõari, quênaro ñare queti

⁷ Cristo ã gotiroticõariarã, ñamasurã me ñaja yua. ã ocaju ñaja ñamasusema. Yua masune yua tuoĩasene masare gotimasio beaja. Buto tuoĩamasirã me ñaja yua. To bajiro yua bajisere bojagũmi Dios, “ãna masise ãna ye me ñaja. Dios yene ñaja” masa yuare ãna yimasiro tire yigu. ⁸ Gãjerã buto rojose yuare yirũgũama. To bajiro ãna yiboajaquêne, Dios ã bojarore bajiro gotimasio cõa ñarũgũaja yua. Rojose tãmuoboarine, “¿No bajiro bajirãti?”, yituoĩarejaibetirũgũaja. ⁹ Jãjarã yuare ãterã ãna ñaboajaquêne, Dioma yua rãca ñacõa ñarũgũami. Cojoji

me bũto rojose yũare yiboarine, sĩabetirũgũama. ¹⁰ No bojaro yũa vacudirojũ yũare sĩarũarã ñaama ñna. Jesũre ñna sĩariarore bajiro yũare quẽne sĩarũama. “Yũare sĩaroma” yigũ, yũare quẽnaro coderũgũami Jesũs. Tire ñacõari, “Catigu ñaami Jesũs”, yitũoĩarũgũama masa. ¹¹ Jesũre ajitirũnrã yũa ñajare, yũare sĩarũarũgũama masa. Yũare ñna sĩarũaboajaquẽne, yũa caticõa ñasere ñacõari, “Tudicaticõari, ñnare ñatirũnrũgũami Jesũs”, yĩĩamasire ñaja. ¹² To bajiro rojose tãmuobarine, yũa gotimasiocati ñajare, Jesũre ajitirũnrã ñacoacajũ mũa. To bajiri, mũa rijato berojũ mũa catirotire Dios ñ catisere ñ ñsicana ñaja mũa.

¹³ Masa yũare ñna sĩarũaboajaquẽne, no yibeaja yũare. Sĩgũ Dios ocare ucamasir'i Diore ñ ajitirũnrarore bajiro ajitirũnucõa ñaja yũa quẽne. Ado bajiro gotiaja ñ ucamasire: “Diore ajitirũnugũ ñari, ñ ocare masare gotimasioaja yũ”, yigotiaja Dios oca ñ ucamasire. To bajiro tũoĩaja yũa quẽne. Diore ajitirũnrã ñari, yũa catiñaro cõoro ñ ocare gotimasiocõa ñarũarãja yũa. ¹⁴ Ado bajiro tũoĩarã ñari, masa yũare ñna sĩarũasere gũibeaja yũa: “Mani mũũ, Jesũs ñ rijacoaboajaquẽne, ñre catioyumi Dios. To bajiri, Jesũs yarã mani ñajare, manire quẽne, catiorũcũmi Dios”, yitũoĩaja yũa. “Mũare quẽne catiocõari, ñ ñnarojũ õ vecajũ manire jua varũcũmi Dios”, yitũoĩaja yũa. ¹⁵ Ado bajiro tũoĩarã ñari, “Yũa rãca varũarãja mũa”, yibũ yũa: “ ‘Mani gotimasiosere ajirona quẽnase bũjato ñna’ yirã, rojose tãmuorũgũaja mani”, yitũoĩaja yũa. To bajiri mani mũũ ocare gotimasiorã ñari, rojose tãmuorã ñaboarine, tire gotimasiocõa ñaja, “Jãjarãbũsa Jesucristore ajitirũnrũtuajaro” yirã. “Manire ñamaicõari, quẽnaro yami Dios”, yivariquẽnarũarãma ñre ajitirũnrã. To bajiri, jãjarãbũsa ñarũtuarũarãma ñre quẽnaro rũcũbũorã.

¹⁶ To bajiri, Dios, quẽnaro yũare ñ yijare, tire

tuoĩavariquẽnacõari, ĩ bojarore bajiro yirũgũaja yua. Yua rujuũama butobusa ti bucũajedi vaboajaquẽne, yu tuoĩasejuama tocãrãcarũmũne butobusa quẽnase yirua tuoĩarũtuana yaja yua, Dios ĩ ejarẽmose rãca. ¹⁷ Adigodo ñarã, rojose yua tãmuorũgũse yoaro mene jedicoaroti ñaja. Beroju Dios ĩ ñaroju, jedibetirotire, quẽnamasusere bujaruarãja yua. ¹⁸ “Mani rujuaye, mani ĩase jediro, yoaro me jedicoaruaroja. Mani ĩabũjabetijuama, ñacõa ñarũgũroti ñaja”, yituoĩaja yua. To bajiri yua ĩase, tire buto tuoĩabetirũgũaja yua. Diore, to yicõari, ĩ ye yua ĩabũjabetijuarema buto tuoĩarũgũaja.

5

¹ To bajiri mani rujuama, vire bajiro bajiriruju ñaja. Vi ti boarore bajirone, mani ruju quẽne boaruaroja. Ti boacoaboajaquẽne, mani rijato beroju gajeruju manire vasoarũcumĩ Dios, õ vecaju. Ti rujuama, boabetiruju ñaruaroja. To bajiro ĩ yirotire jẽre masiaja mani. ² To bajiro mani bajiroti ti ñajare, cojojirema adigodoju ñarã, buto rojose tãmuoboana, õ vecaju mani ñarotiruju rãcaju ñarua tuoĩarũgũaja mani. ³ Adirũmuri mani uju ĩ tudiejajama, buto quẽnaruaroja. Gãjerã rijariarã gaje ruju Dios ĩ vasoabetiriarã tujure vabetiruarãja mani. Riojone gaje ruju vasoaruarãja, to bajiro ĩ bajijama. ⁴ To bajiri, cojojirema adigodo ñarã, rojose tãmuoboana, ruju cuti quejerũgũaja mani. Tire mani yijama, “Bajiyayiruaaja” yirã me yaja. Bajiyayibetiboarine, rijabetiruju bojarã yaja. ⁵ Mani tuoĩarujeore me ñaja ti, mani ruju vasoaroti. Dios ñaami, “Gaje ruju vasoaruarãma” yir'ima. To yicõari, Esp'iritu Santore manire cõañumi, “ ‘Dios ĩ gotiriarore bajirone mani rujure vasoarũcumĩ’ yimasiato” yigu.

⁶ “Maji adigodoju ñarã, mani uju Cristo ĩ ñaroju eja-masibeaja”, yimasiaja. To bajiri mani bajirotire tuoĩa

yurã, tire tũoĩavariquẽnaja mani. ⁷ Adigodo ñarã, Cristore ãbetiboarine, “Ĩ gotiriarore bajirone quẽnaro yirũcũmi”, ãre yitũoĩarũgũaja mani. ⁸ Adoju to cõrone ñarũaja mani, mani mũũ ĩ ñarõjũre mani varõtire yirã. ⁹ To bajiri adigodoju ñarã quẽne, õ vecaju mani ñarã vajuquẽne, Dios ĩ ãvariquẽnase rĩne yirũarũgũaja. Disejuã gajeye ñamasuse maja manire. ¹⁰ Cojorũmu mani jediro Cristo ĩ ãaro rĩjorojuã ejarona ñaja mani. To bajiri, “Ãnoa ñaama quẽnase yicana. Ãnoa ñaama rojose yicana”, yĩĩabeserũcũmi. Yĩĩamasicõari, manire vaju yirũcũmi.

“Cristo ĩ rijabosare sũorine Dios ĩ ãvariquẽnarã ñaja mani”, Pablo ĩ yire queti

¹¹ To bajiro ĩ beserirũmu ti ejaro, “Rojose ĩnare yiromi” yirã ñari, “Ãre ajitirũnuato” yirã, ĩnare gotimasiorũgũaja yũã. “To bajirone tũoĩaama Pablo mesa”, yũare yimasigũmi Dios. Mũã quẽne, to bajirone mũã yitũoĩasere bojaja yũã. ¹² Tire mũare yũã gotijama, yũare mũã ãvariquẽnasere bojarã me yibu yũã. Ado bajirojuã bajiaja: Yũare ñagõmacarãre, “Ado bajiro tũoĩacõari, cũdimasiato” yirã, tire mũare gotibu yũã. Yũare ñagõmacarã ñaama, gãji ĩ tũoĩasere masibeti-boarine, “Quẽnagũ ñaami”, yitũoĩarãma. Quẽnaro ĩ bajisere ãcõari, “Quẽnagũ ñaami”, yĩĩarã ñaama. ¹³ Yũare ñagõmacarã sigũri, “Tũoĩamasimena, mecũrimasa ñaama Pablo mesa”, yũare yirãma. No yibeaja ti. Dios ĩ bojarore bajiro masare gotimasioaja yũã. Gãjerãma, “Quẽnaro yitomasirã ñarãma”, yũare yĩĩagõmacarãma. Ti quẽne, no yibeaja. “Mũare yitorã yama” mũare ĩna yiboajuquẽne, tire ajicõari, Dios ye quẽnase bujaja mũã. ¹⁴ “Manire ãamiami Cristo” yitũoĩacõari, ãre cũdirũaja yũã. Manire bũto ãamaigũ ñari, rojose mani yise vaju manire rijabosayumi. To bajiri, “Ãre ajitirũnurãre manire ĩ rijabosare ñajare,

mani quêne ĩ rãca rijariarãre bajiro bajiyuja”, yituoĳaja mani. ¹⁵ “Rojose yitujacõari, yũ bojasejuare yimasiato” yigũ, ĩre ajitirũnuronare manire rijabosayumi Cristo. ĩ rijato bero, tudicaticõari ĩ ejarẽmose ñajare, ĩre ajitirũnumasiaja mani. ¹⁶ Tirũmujũma, Cristore, to yicõari, gãjerãre quêne, ĩna tuoĳasere masibetiboarine, “Ãnoa ñaama quẽnarã; ãnoa ñaama rojorã”, yituoĳariarãja mani maji. Cristore ajitirũnucõari, to bajiro tuoĳabeaja mani yuja. ¹⁷ To bajirone bajiaja Cristore ajitirũnurã jedirore. Cristore ajitirũnusũorã, Esp'iritu Santore cũorã ñari, rojose ĩna yirũgũrere yirũa tuoĳabetirũgũama.

¹⁸⁻¹⁹ Dios ñaami, “To bajirone tuoĳato” manire yigũ. Tirũmujũ ĩ terã mani ñaboajaquêne, Cristo ĩ rijabosare sũorine, ĩ yarã, ĩ ĩavariquẽnarã mani ñarotire yiyumi. Rojose mani yisere masiriocõari, “Rojose mana ñaama”, manire yĩagũmi. To yicõari, “Gãjerã quêne, yũ ĩavariquẽnarã ñato ĩna” yigũ, ĩ ocare yũare gotimasiodudi roticõañumi. ²⁰ To bajiri, Cristore gotirẽtobosarimasa ñaja yũa. Mũare yũa gotimasiojama, Dios ĩ masune vadicõari, ĩ gotiroti ũnirene gotimasiorũgũaja. Cristore gotirẽtobosarã ñari, ado bajiro masare buto sẽnĩiarũgũaja yũa: “ ‘Rojose yũa yisere masirioya mũ; mũ ĩavariquẽnarã ñarũaja’ ¿Diore yirũabeati mũa?”, ĩnare yirũgũaja yũa. ²¹ Ñie rojose yibecu ĩ ñaboajaquêne, “Rojose yigũ ñaja mũ” ĩre yigũre bajiro ĩ macũre rijaroticõañumi Dios, “Rojose ĩna yisere ĩnare vaja yibosaya” yigũ. “Cristore ajitirũnuronare, ‘Ñie rojose mana ñaama’ ” manire ĩ yĩarotire yigũ, yiyumi.

6

¹ Dios ĩ ejarẽmose rãca ĩ yere gotimasiorã ñari, ado bajiro mũare rotiaja yũa: Dios, mũare ĩamaicõari, quẽnaro ĩ yire ñajare, ĩ ejarẽmose rãca ĩ bojarore bajiro quẽnaro

yirũgũña. ² Dios ocare masa ãna ucamasire ado bajiro ti gotiaja:

“Muare yu yirẽmorirũmu ti ejaro, mua sãnisere ajicõari, muare quẽnaro ejarẽmorucuja yu, rojose mua tãmuosere muare yirẽtobosagu”, yigotiaja Dios ocare masa ãna ucamasire.

Quẽnaro ajiya mua. Yucune ñaja rojose mani tãmuosere Cristo suorine Dios manire ã yirẽtobosarirũmu. To bajiri yucune ãre mua sãnijama, “Yu bojase yimasiato” yigu, muare ejarẽmorucumi.

³ To bajiri, Dios ocare gotimasiorã, gãjerãjua “So-caserene gotiama’ yuare yiroma” yirã, rojose yibetirũgũaja yua. ⁴ Ñajediro yua bajisere ãacõari, “Dios ã bojarore bajiro yirã ñaama Pablo mesa”, yimasiama masa. Cojoi me gãjerã rojose yuare ãna yiboajaquẽne, ãnare gãmebeaja yua. Buto rojose tãmuoobarine, tire tuoïare-jaimenane, Dios ã bojarore bajiro yicõa ñaja yua. Ado bajiro rojose tãmuorũgũaja yua: ⁵ Yuare ãna bajerũgũse, tubiberiaviju yuare ãna tubiberũgũse, rãjacõari, rojose yuare yiruarã yuare ãna tud'irũgũse, to bajicõari, buto moarã ñari cojojirema ñamire quẽne busuocõarũgũcaju. To bajicõari, cojoi me ñiorijarũgũcaju. To bajiboarine, Dios ã bojarore bajiro yicõa ñacaju yua. ⁶ Gajeyere quẽne ado bajiro yua bajisere ãacõari, “Dios ã bojarore bajiro yirã ñaama Pablo mesa”, yuare yimasiama masa: “Rojose yirobe” yirã, quẽnase tuoïarũgũaja yua. Dios ocare quẽnaro masiaja. Gãjerã rojose yuare ãna yiboajaquẽne, ãnare jũnisinibeaja yua. Socarã mene gãjerãre mairã ñari, ãnare quẽnaro yirũgũaja. Esp'iritu Santo, yua rãca ñacõari, yuare ejarẽmorũgũami. ⁷ Dios oca, riojo ti gotirote bajirone gotimasiorũgũaja. Dios ã ejarẽmose rãca ã bojarore bajiro yirũgũaja. To bajiro yirũgũaja, “Vãtia uju Satanás manire rojose ã yirotisere cudirobe” yirã,

to yicōari, “Gājerā, rojose yitujato” yirā. ⁸ Cojojirema yuare r̄sc̄ub̄noama masa. Gajer̄m̄urema r̄sc̄ub̄noabeama. Cojojirema quēnaro yuare ñagōama. Gajer̄m̄urema rojose yuare ñagōama. “Socarimasa ñaama Pablo mesa” masa yuare ña yit̄uōiaboajaquēne, riojo gotimasioaja yuā. ⁹ No bojaro yuā vato, “Gājerā ñaama” masa yuare ña yīaboajaquēne, yuare quēnaro masiama sīgūri. Cojaji me “Rojose yib̄ m̄a” yigoticōari, yuare ña s̄iar̄uaboajaquēne, caticōa ñacaj̄ yuā. ¹⁰ Cojojirema b̄uto s̄atiritirā ñaboarine, mani ɱj̄u quēnaro īyisere, to yicōari, quēnaro īyiroti tudit̄uōiācōari, variquēnarūgūaja yuā. Maioro bajirā yuā ñaboajaquēne, Dios ocare masare yuā gotimasiose s̄uorine, Dios ye quēnamasuse b̄ujaama ña. “Ñie mana ñaama Pablo mesa” masa yuare ña yigotiboajaquēne, Dios ye quēnamasuse īɱjose jediro s̄uorā ñaja yuā.

¹¹ Corinto macana, yuare ajiya. Yuā t̄uōiase cōro m̄uare gotijeoaja yuā, m̄uare b̄uto mairā ñari. ¹² Quēnaro gāmerā maire ti manijama, yuā s̄uori me bajiroja. M̄uare b̄uto yuā maiboajaquēne, m̄uaj̄uama, yuare maimenaja. ¹³ Jac̄u īr̄iare maigū ī ñagōrore bajiro m̄uare ñagōaja yuā. M̄uare yu m̄aiore bajirone yuare maīña m̄a quēne.

“*Mani* usuj̄u Dios ī ñajare, Cristore ajitir̄ūnumena r̄āca baba c̄utibetiroti ñaja manire”, yire queti

¹⁴ Cristore ajitir̄ūnumena r̄āca baba c̄utibesa m̄a. Dios ī bojase yirā, Dios ī bojabeti yirā r̄āca ña baba c̄utijama, ¿no bajiro ña yisere ñavariquēnaguīda Dios? Bususere bajiro me bajiaja r̄ētiase. Busuroj̄u r̄ētiabeaja. R̄ētiaroj̄u, busubeaja. Tire bajirone bajiroti ñaja Cristore ajitir̄ūnur̄are quēne. Cristore ajitir̄ūnumena r̄āca baba c̄utibetiroti ñaja. ¹⁵ “Ado bajiro yiroti ñaja” Cristo īyijama, ñe ajicōari, ¿“M̄u gotirore bajirone t̄uōiaja yuā quēne”, yic̄udiguida Satanás? Sīgūre bajiro t̄uōiarā me ñaama. To

bajiro bajiaja mani Cristore ajitirũnurã quẽne. Ìre ajimena ìna tũoĩarore bajiro tũoĩabeaja mani. ¹⁶ Dios yarã ñaja mani, ìre ajitirũnurã. To bajirone gotiaja Dios ocare masa ìna ucamasire. Ado bajiro gotiaja ti:

“Yũ yarã usũju ñarũgũrũcũja yũ. No bojaro ìna ñaroju ìna rãca ñarũgũrũcũja. Ìna rũcũbuogũ ñarũcũja yũ. To bajicõari, yũ yarã ñarũarãma ìna”, yigotiaja Dios ocare masa ìna ucamasire.

To bajiri, Dios yarã ñaboarine, çìna masu ìna quẽnorũjeoriarãre rũcũbuorã rãca baba cõtirãda mani?

¹⁷ Ìna rãca baba cõtibetiroti ti ñajare, gajeye Dios ocare masa ìna ucamasiriarore bajiro yiroti ñaja mũare. Ado bajiro gotiaja ti, mani çju ì gotimasire:

“Yũre ajimenare cãmotadiya mũa. ‘Dios ì bojabeti yirobe’ yirã, ìnare baba cõtibesa. To bajiro mũa yijama, yũ yarã ñarũarãja mũa”, yigotiami mani çju.

¹⁸ “Mũa jacũ ñarũcũja yũ. To bajicõari, yũ rĩa ñarũarãja mũa”, yigotiaja Dios ocare masa ìna ucamasire, masijeogũ mani çju ì ñagõre.

7

¹ Dios ì gotimasire to bajiro manire ti gotijare, ì bojarore bajiro jediro rojose mani yise yitũjacõari, ìre rũcũbuorã ñari, ì bojase rĩne yito mani, “Rojose mana ñato” yirã.

Corinto macana, rojosere yitũjacõari, quẽnasejuare ìna yire

² Quẽna ado bajise mũare gotiaja yũa: Yũare maiña mũa. Ñimũjuare rojose yibeticaju yũa. Ñimũjuare rojose yiroboticaju. Ñimũjuare yitobeticaju yũa, “Yũa masurio quẽnase bujarãsa” yirã. ³ Tire mũare yũa gotijama, “Pablo mesare ñagõmacarã, rojose yiyuja mani” mũa yirotire yirã me yaja. “Ñie rojose yibeticama Pablo mesa” mũa yirotijũare yirã yaja yũa. Jẽju yũa gotirore bajirone

mũare tudigotiaja yua: Buto mũare maiaja yua. Mũa bajireacoajaquẽne, mũa caticõajaquẽne, mũare maitũja-betiruarãja yua. ⁴ “Quẽnaro yirã ñaama Corinto macana; yua gotirote bajirone cudiruarãma” mũare yituoĩacõari, rojose tãmũorã ñaboarine, buto variquẽnaja yua.

⁵ “Macedonia sitaju ejacõari, rojose tãmũomenaja mani”, yituoĩaboacaju yua. Adoju quẽne buto rojose tãmũocaju. Yũare ãatecõari, tud'irũgũcama. To bajiri, “¿Jesũre ajitirũnũrã, ãre ajitirũnu tũjarãti?”, yituoĩare-jaicaju yua. ⁶ Dios ñaami tũoĩa sũtiritirãre, “Tũoĩa variquẽnato” yigũ. To bajiri, tũoĩa sũtiritirã ñaboarine, Dios ã ejarẽmose rãca tũoĩavariquẽnamũ yua. Tito ã ejase sũorine, “Tũoĩa variquẽnato”, yũare yiyumi Dios. ⁷ Tito ejasere variquẽnacõari, gajeyere quẽne variquẽnamũ. Mũa bajisere ã ãavariquẽnare quetire ajicõari, variquẽnaja yua quẽne. Ado bajiro mũa bajisere yũare gotimi: “Buto mũre ãarũaama Corinto macana. ‘Rojose mani yicati sũorine buto sũtiritiyuju Pablo’ yire quetire ajicõari, buto sũtiritima. Mũre rũcũbuocõari, mũ ucacatore bajirone yima”, yũare yigotiejami Tito. To bajiro ã yisere ajicõari, butobũsa variquẽnaja yu.

⁸ Tirãmũju papera mũare yũ ucacõaro bero, “Tire ãacõari, sũtiritiruarãma ãna. To bajiri cõabetiroti ñaboayuja”, yituoĩa sũtiriticaju yũ maji. To bajiboarine, sũtiritibeaja yucũrema, “Yoaro me sũtiritiriarãma” mũare yimasigũ ñari. ⁹ “‘Sũtiritiato ãna’ yigũ yiyuja yũ” yigũ me, variquẽnaja yu. “Sũtiriticõari, rojose ãna yicati yitũjacõari, quẽnase tũoĩañuma” yigũ, variquẽnaja yu. To bajiro mũa bajisere bojayumi Dios. To bajiri tirãmũju mũare yũ papera cõacati, mũare quẽnañuja ti. ¹⁰ Rojose yigure, “Rojose tãmũoato” yigũ ñaami Dios. To bajiro ã yijama, “Rojose ã yisere yitũjacõari, yũjũare ajitirũnũato” yigũ, yiyumi. To bajiro ã bajijama,

rojose ĭ tãmuoborotire ĭre yirẽtobosarućumi Dios. Diore ajiterãjuama, rojose ĭna yisere tuoĭa sutiritibeama ĭna. To bajiri, rojose tãmuotujabetiriaroju varuarãma ĭnama. ¹¹ Mũa rãca yũ ñaro, “Rojose mani yijama, mani yibetijaquẽne, no yibeaja”, yituoĭaboacaju mũa maji. “Mani yisere ĭavariquẽnabeami Dios”, yijũnisiniriarãja mũa. Dios mũare ĭ ĭavariquẽnabetire tuoĭa gũiriarãja mũa. “Manire oca ñaja. Tire oca quẽnoroti ñaja”, yiyuja mũa. Dios ĭ ĭavariquẽnasere bojarã ñari, yũ ucacõcatore bajiro yivariquẽnañuja mũa. Rojose yir'ire rojose ĭ yire vaja, rojose ĭre yiyuja mũa. To bajiri, “Quẽnaro yiyuma ĭna. Ñie rojose maja ĭnare”, mũare yituoĭaja yũ yuja. ¹² Tirũmũju mũare papera cõagũ, mũa rãcagu rojose yir'i, to yicõari rojose yiecor'ire quẽne buto tuoĭabeticaju yũ. Mũajuare quẽnaro tuoĭagũ ñari, mũare ucacõacaju yũ. “ ‘Pablöre rũcũbuorã ñari, ĭ rotirore bajiro yama ĭna’ Dios ĭ yĩamasisere tuoĭamasiato” yigu, ucacaju yũ.

¹³ To bajiri quẽnaro mũa yirere tuoĭacõari, variquẽnaja yũ. “Quẽnaro ĭna yicatire ĭacõari, yũ tuoĭarejaiboacatire tuoĭa tujacõari, variquẽnacaju yũ”, yigotimi Tito. To bajiro ĭ yijare, butobusa mũare variquẽnaja yũ. ¹⁴ Mũa tũju Titore yũ cõaroto rĩjoro, ado bajiro ĭre yicaju yũ: “ĭnare yũ ucacõasere quẽnaro cũdiruarãma Corinto macana”, ĭre yicaju yũ. ĭre yũ goticatore bajirone quẽnaro cũdiyuja mũa. To bajiri, tire ajivariquẽnaja yũ. ¹⁵ Mũa tũju ĭ ejaro, buto rũcũbuose rãca ĭre mũa bocaãmirere, to yicõari, ĭre quẽnaro mũa cũdirere tuoĭabũjacõari, butobusa mũare maiami Tito. ¹⁶ “Yũ rotise, josase ti ñaboajaquẽne, quẽnaro cũdiruarãma” mũare yituoĭacõari, buto variquẽnaja yũ.

8

“Maioro bajirãre variquẽnase rãca ejarẽmojama, quẽ-

naja”, yire

¹ Yna mairã, gajeyere mware gotigu yaja: Adoana, Macedonia sitanare, Cristore ajitirũnurãre, Dios, ãnare ãmaicõari, quẽnaro ã yise suorine quẽnaro ãna yicati queti mware gotigu yaja. ² Buto rojose tãmuobarine, variquẽnase rãca Diore ajitirũnucõa ãnaama. To bajicõari, jairo gãjoa cuomena ãaboarine, gãjerãre ejarẽmoruarã, ãna cuose cõro juarẽoũuma. ³ ãna cuoro cõro ãsicama. Bajibeaja. “ãsicoruarãma ãna” yiboariaro rẽtobusaro ãsicocama. ãacaju yu, to bajiro ãna yiro. ⁴ ãnare yu sãnibetiboajaquẽne, ado bajiro yure yicama: “Jerusalãn macana Cristore ajitirũnurã maioro bajirãre buto ejarẽmoruaja yua. To bajiri adi gãjoa yuare juabosa vacõari, mua ãsijama, buto quẽnaruarõja”, yuare yicama. ⁵ Yna tuõaboacato rẽtoro quẽnaro, ado bajiro yicama: “Mu bojarore bajiro yiruaja yua”, Diore ãre yisẽni gajanocõari, “ã bojarore bajiro mware cudiruarãja”, yuare yicama. ⁶ To bajiri, “Adoana Macedonia sitana ãna juarẽoriarore bajiro, mua, Corinto macana quẽne mua yijama, quẽnaruarõja” yituoãcõari, mware gãjoa juarẽorotiswor'ire Titore tudivarotiaja yua. “Toju vacõari, gãjoa ãna juarẽorere juarẽojeoba mu”, ãre yaja yua. ⁷ Gãjerã Cristore ajitirũnurã rẽtobusaro ãre ajitirũnurã ãaja mua. To bajiri ã ocare quẽnarobusa gotimasiaja. To bajicõari, ãna rẽtobusaro yuare mairã ãari, ãna rẽtobusaro Dios ã bojarore bajiro yuare ejarẽmo variquẽnarã ãaja. To bajiri, maioro bajirãre quẽne tuõamaicõari, gãjerã ãna cõase rẽtoro gãjoa mua cõajama, quẽnaruarõja.

⁸ To bajiro mware yu yijama, rotigu me yaja yu. “Tire ajicõari, maioro bajirãre gãjerã ãna ejarẽmo variquẽnase rẽtoro ãnare ejarẽmo variquẽnato mani” mua yiro tire bojagu, adi sitana quẽnaro ãna yicatire mware gotibu yu. To bajiro mua yijama, “Socarã mene maioro ba-

jirãre mairã ñaja yua” yirã, yirãja mua. ⁹ Mani uju, Jesucristo, ado bajiro quẽnaro manire ï yire ñajare, “Quẽnaro ñnare ejarẽmoto mani”, yituoïaroti ñaja mua: Manire ïamaicõari, ï rijabosarere masiaja mua. Diorãca jediro cuogu ñaboarine, manire ïamaigũ ñari, adigodojũre vadicõari, maioro bajigu ñacoasuju ï. To bajiro bajiyuju, Diorãca quẽnaro ñacõari, ñiejua manire ruyabetirotire yigu.

¹⁰ Mũare rotibetiboarine, quẽnaro mua ñarotire bojagu ñari, yu tuoïasere ado bajiro muaire gotigu yaja yu: Rijoroaga cũmare quẽne, variquẽnase rãca ñnare ejarẽmorua tuoïasuojuja mua. To yicõari, gãjoa juarẽosuojuja mua. ¹¹ To bajiri, “Maioro bajirãre mani ejarẽmorua tuoïavariquẽnasuocatore bajirone juarẽojeocõato mani”, yivariquẽnaña. Ñna ïsiro cõrone juarẽocõari, cõaña. ¹² “Jairo mani ïsibetijama, ïavariquẽnabecumi Dios”, yituoïabesa. Jairo cuorã, mojoroaca cuorã quẽne, mani ïsimasiro cõro mani ïsivariquẽnajama, manire ïavariquẽnagũmi Dios.

¹³ “Maioro bajirãre ejarẽmoña” yu yijama, “Cõajeocõaña” yigu me yaja yu. “Maioro bajirãre gãjoa cõajeocõari, maioro bajiya mua” yigu me yaja. ¹⁴ “Cristore ajitirũnurã, nijũane maioro bajirã manicõato” yigu yaja. Adirũmũrirema mua ñaja jairo cuorã. To bajiri, “Maioro bajirã ñaama ñna” yire quetire ajicõari, gãjoa ñnare mua cõajama, quẽnarũaroja. To bajiri, ñna quẽne, maioro mua bajise quetire ajicõari, muaire ejarẽmorũarãma. To bajiri ñiejua ruyabetoja ñnare, muaire quẽne. To bajiro mani yijama, cojoro cõro cuorã ñarũarãja mani jediro. ¹⁵ To bajiro mani yijama, Dios ocare masa ñna ucamasire ti gotirote bajiro cudirã yirũarãja mani. “To bajirone bajirũaroja”, yiucomasiñumi Moisés, israelita masa ñna juarẽoro bero, cojoro cõro cõïacõari, ñna ïsibatomasire

ñajare. Ado bajiro gotiaja: “Jairo juarëoriarã ñaboarine, ñna bojaro rëtoro bujabeticama ñna. Gãjerãma, mojoroaca juarëoriarã ñaboarine, ñna bojaro cõro bujacama”, yigoti-aja Dios ocare Moisés ñ ucamasire.

“**M**ua tuju Tito mesare cõagũ yaja”, Pablo ñ yire queti

¹⁶ Mũare tuoĩamaicõari, bũto yũ ejarëmorũaro cõro mũare ejarëmorũami Tito quëne. “To bajiro tuoĩato ñ” yigũ, yiyumi Dios. To bajiro ñ yijare, “Quënarõ yaja mũ”, Diore ñre yaja yũ. ¹⁷ “Corinto macanare quëna mũ ejarëmogũ vajama, quënarũaroja” yũa yisëniĩasere ajicõari, bũto variquënamu Tito. Mũare bũto ejarëmorũagu ñari, “Yũre mũa sënĩaroto rĩjorojuũe, yũ masu yũ tuoĩase rãca, ‘Yucũne varũcũja’ yituoĩamũ yũ”, yũare yimi.

¹⁸ Tito rãca varocũre, yũa maigũre cõaja yũa. Ñ ñaami, manire bajirone Cristore ajitirũnũgũ. Ñre ajitirũnũrã jediro, “Cristo oca quënasere quënarõ gotirë-tobumasigũ”, ñna yirũcubũogũ ñaami. ¹⁹ Cristo ocare quënarõ gotirëtobugũ rĩ me ñaami. Adoana, Macedonia sitana, Cristore ajitirũnũcõari rëjarũgũrã, “Gãjoa manire juabosarãre ejarëmorũcumu” yirã, ñna besecacũ quëne ñaami. Ti gãjoa, maioro bajirãre yũa ñsiroti sũorine, “Maioro bajirãre quënarõ ejarëmo variquënarã ñaama, Cristore ajitirũnũrã”, yituoĩarũarãma masa. To yicõari, mani mũju Jesucristore rũcubũorũarãma. ²⁰ “Pablo mesa ñna masune ñna yireajare, gãjoa ejabetoja” ñna yigõjarotire bojamena ñari, yũare baba cutirocũre ñre bojacaju yũa quëne. ²¹ “Quënarõ yama” Dios ñ yĩavariquënasere rĩ mere bojaja yũa. Masa quëne, to bajise ñna yĩavariquënasere bojaja.

²² To bajiri, gãjire cõaja yũa, Tito mesa rãca. Cristore ajitirũnũgũ ñari, mani yũ ñaami ñ quëne. Ñre ñamasirã ñari, “Quënarõ yigũ ñaami”, ñre yimasiaja yũa. Cojoji

ruyabeto quēnaro ejarēmo variquēnarūgūami. To bajicōari, “Corinto macana quēnaro cūdiama ña” Tito ï yisere ajicōari, butobusa mware ejarēmorūami. ²³ To bajiri Tito, to yicōari, ï babarā juarā ñaama, mua tujū yua cōarā. Jēre Titore ïre masirāja mua. ï ñaami yū baba, “Cristore quēnaro ajitirūnūato” mware yigu, yū rāca moarūgūgū. Gājerā juarā, Titore baba cuti vana, Jesucristore ajitirūnūrā ñari, mani yarā ñaama ña quēne. “Quēnaro yirā ñaama” adi macariana ña yīārā, mua tujū ña cōarā ñaama. Quēnaro ña yise suorine Cristore quēn-abusaro rūcubūoama masa, adi macariana. ²⁴ Mua tujū ña ejaro, quēnaro ñare yiba. “Cristore ajitirūnūrāre ïamairā ñaama Corinto macana” yaja yua, adi macarianare Tito mesare cōarāre. To bajiri ñare quēnaro mua yijama, “Riojo yama Pablo mesa”, yiruarāma ña.

9

Cristore ajitirūnūrāre maioro bajirāre ejarēmore queti

¹⁻² “Cristore ajitirūnūrāre maioro bajirāre ejarēmorā, gājoa juarēocōari mani cōajama, quēnarūaroja”, yituoīarā ñaja mua. To bajiri, mua cōarua tuoīase quetire masigū ñari, “To bajiro mua yijama, quēnarūaroja”, mware yiuca-betiroti ñaboaja. Adoana, Macedonia sitanare, ado bajiro ñare goticajū yū: “Acaya sitana, Corinto macana, mani mairā, jēre i cūma ‘To bajiro yiroti ñaja’ yisuoyujarā”, ñare yicajū yū, mware. Tire ajicōari, “Mani quēne to bajirone yiroti ñaja” yituoīacōari, jājarā gājoa ïsicama. ³ To bajiro yisuoriarā mua ñaboajaquēne, yū varoto rījoro Tito mesare cōaja yū. “Gājoa juarēocōari, yūre yuato” yigu, ñare cōaja yū. Adoanare gotirā, “Yū ejaroto rījoro gājoa juarēocōari, yuruarāma”, yaja yua, mware. To bajiri mua tujū yū ejaro, “Gājoa juarēojeobeaja maji” mua yisere ajirūabeaja yū. Adoanare ñare yū gotirore

bajiro mua bajirotire bojaja. ⁴ Adoana Macedonia sitana siġūri yare ĩna baba cuti vajama, gājoa manone muare ĩna ĩarotire bojabeaja. “Corinto macanare quēnaro masiaja. Yua ejaroto riĵoroĵune, gājoa juarēojeocōaruarāma ĩna”, yaja yua, adoanare gotirā. To bajiri, mua cōo yubeti-jama, bojoneruārāja yua. Mua quēne, bojoneruārāja. ⁵ Mani bojonerotire bojabecu ĩnari, yu varoto riĵoro, Tito mesare mua tujū ĩna vasere bojaja. “Īsiruarāja” mua yigotiriarore bajirone mua ĩsirotire yirā, muare ejarē-moruarāma ĩna. To bajiri yu ejarone, ĩsicōaruarāja mua. To bajiro mua yijama, “Pablo, ejacōari, ĩnare ĩ ĩsirotijare, ĩsiterā ĩaboarine, ĩsiņujarā”, yire maniruaroja. “Pablo ĩ ĩsirotibetiboajaquēne, ĩna masune maioro bajirāre tuoĩa-maicōari, ĩsivariquēnaņujarā”, yirejua ĩnaruaroja.

⁶ Gājoa ĩsiroana, gotimasiore quetire masiritibeja: “Oterimasu, moĵoroaca ĩ otejama, moĵoroaca ti ricare bujarucumi. Jairo oteguma, jairo bujarucumi”.^b ⁷ To bajiri tocārācu, “Ado cōro ĩsirucuja yu” mua yituoĩaro cōro mua ĩsijama, quēnaruaroja. Gājoa maiboarine, mua ĩsijama, quēnabetoja. Mua ĩsiteboajaquēne, gāji ĩ ĩsirotijare, mua ĩsijama, quēnabetoja. Mua masune ĩsiruarā, mua ĩsijama, quēnaruaroja. Īsivariquēnarāre ĩamaiami Dios. ⁸ To bajiro mua yisere ĩacōari, quēnaro muare yirucumi Dios. Mua boĵaro rētoĵusaro cōarēmorucumi. To bajiro manire yami, “Gājerāre ejarēmorā, ĩnadediro quēnaro ĩna yiro bero, ĩiejua ruĵabeticōato” yigu. ⁹ “To bajiro quēnaro mani yisere boĵaami Dios”, yimasiaja mani, Dios ocare masa ĩna ucamasire quēnaro yigure ado bajiro ti gotijare:

^b **9:6** Ado bajiro manire gotimasioro yaja ti queti: Gājerāre ejarēmorā, ĩsiterā ĩnari, moĵoroaca mani ĩsijama, Dios ye quēnamasuse, moĵoroaca manire uĵorucumi. Īsivariquēnarā ĩnari jairo mani ĩsijama, jairo quēnamasuse manire uĵorucumi.

“Maioro bajiräre jairo ĩsirũgũami. To bajiro quẽnaro ĩ yirũgũsere masiritibeticõari, quẽnaro ĩre yirũcumĩ Dios”, yigotiaja Dios ocare masa ĩna ucamasire.

¹⁰ Dios ñaami “Ote aje cwoato” yigũ, manire cõagũ. Ti ote aje suorine bare rĩ mere bujaja mani. Quẽna gaj-eye ote aje mani oterotire quẽne bujaja mani. Tire bajiro bajaia Dios quẽnaro manire ĩ yise. “Ado bajiro bajiato” yigũ, quẽnaro manire yami: Quẽnaro manire ĩ yise suorine, cojoji me quẽnaro yaja mani. Quẽna gajerũmũrema gãjeräre quẽnaro yimasiaja mani. Gãjerã quẽne, quẽnaro mani yirã, gãjeräre quẽnaro yimasiamã ĩna quẽne. “To bajiro bajiato” yigũ, quẽnaro manire yami Dios. ¹¹ Jairo mũare ĩsirũgũrũcumĩ Dios, “Maioro bajiräre ejarẽmoato” yigũ. To bajiro mũa yijama, “Quẽnaro yaja mũ”, Diore ĩre yirũarãma jãjarã masa. To bajirone yirũarãma Jerusalén macana Cristore ajitirũnrã quẽne. Gãjoa mũa juarẽorere yũ juaejasere ĩacõari, “Quẽnaro yaja mũ”, Diore ĩre yirũarãma ĩna. ¹² To bajiri, gãjerã Cristore ajitirũnrã, maioro bajiräre gãjoa mũa cõaroti, ĩna rĩ mere quẽnarũaroja. Tire ĩacõari, “Quẽnaro yaja mũ” ĩre ĩna yiroti ti ñajare, Diore quẽne quẽnarũaroja. ¹³ Gãjoa ĩnare mũa cõasere ĩacõari, “Cristore ajitirũnrã masu ñarãma Corinto macana. Manire ejarẽmocõari, gãjeräre quẽne ejarẽmoama” mũare yitũoĩacõari, variquẽnase rãca Diore rũcũbuorũarãma ĩna. ¹⁴ “Manire ĩna ejarẽmose Dios suorine bajaia” mũare yitũoĩamaicõari, Diore bũto mũare sẽnibosarũarãma ĩna. ¹⁵ “Quẽnaro yaja mũ”, Diore ĩre yiroti ñaja manire. Quẽnamasusere manire yibosayumi Dios. Rojose mani yise vajare “Yirẽtobosato” yigũ, ĩ macũre cõañumi.

10

“Dios yũre ĩ rotise rãca gotimasioaja yũ”, Pablo ĩ yire

queti

¹ Yũ, Pablo, ado bajise gotigu yaja, sīgũri yure ñagõ-macarãre: Quẽnabeti masa ñna yiboajaquẽne, ñnare ña-maicõari, quẽnaro ejarẽmorũgũñuju Cristo, “Rojose yitũ-jacõari, quẽnasejua tũoĩato” yigu, ñre bajiro mũare ejarẽ-morũaja yũ quẽne. “Mani rãca ñ ñajama, bojonegũre bajiro manire gotiami Pablo. Sõju ñacõari, manire ñ ucacõajama, tud'igure bajiro gotirũgũgũmi”, yiyuja mũa.

² Rojose yirãre tud'igure bajiro gotigu ñaboarine, mũa tũju ejacõari, tud'igure bajiro gotirũabeaja. To bajiri yure mũa ñagõmacasere yitũjacõaña, “Mani tũju ejacõari, tud'igure bajiro gotiromi” yirã. To bajiro mũa yiboajaquẽne, sīgũri, adigodoaye rĩne tũoĩarã, “Ñna masu ñna bojarore bajiro yirã ñaama Pablo mesa” yũare yĩñagõ-macarãre tud'igure bajiro gotiroti ñaja. ³ Adigodoaye rĩne tũoĩarã rãca ñaboarine, yũa masu yũa bojarore bajiro yirã me ñaja yũa. ⁴ Yũa masise adigodoaye me ñaja. Dios ñ masise rãca yũa gotijama, yũare ñna ñagõjaiboajaquẽne, ñnare gotirẽtobumasiaja yũa. ⁵ Cristo ocare ajiterã, “Masirã ñaja yũa” yivariquẽnarãre Diore sẽnibosaja yũa, “‘Riojo me tũoĩañuja yũa’ yato” yirã. No bojasene gãjerã ñna tũoĩase, Cristo ñ bojabeti ti ñajama, tire yitũjacõari, “Cristo ñ bojarore bajiro rĩne tũoĩato” yirã, Diore sẽniaja yũa. ⁶ To bajiro mũare sẽnibosaja yũa. Mũa rãcana yũare bajiro tũoĩamenare rojose ñna yise vaja rojose ñnare yirũgũrũarãja yũa, “Mũa jediro Cristo ñ bojarore bajiro yũare cũdirũa tũoĩato” yirã.

⁷ “To bajigu ñaami” yure yĩamasirã ñaboarine, yũ tũoĩasejuarema masibeaja mũa. Gãji, “Cristore ajitirũnũgũ ñaja” yigu ñ ñajama, Cristo yarã yũa ñasere quẽne masirocũ ñaami. ⁸ “Cristore gotirẽtobosarimasũ ñari, mũare rotimasiaja yũ” yũ yigotijare, “To bajiro ñ yijama, “Ñamasugũ ñaja yũma’ manire yigu yami”,

yituoĩaboarãja mua. To bajiro mua yiboajaquẽne, Cristo, to bajiro yirocure yure ĩ cõacati ñajare, bojonebecune tire gotiaja yu. Mani uju, “Yu yere ajicõari, sutiritiatio” yigu me, yure cõacami. “Tire ajivariquẽnato” yigujua, yure cõacami. ⁹ “Ī ucacõase rãca yuare tud'igure bajiro yuare gotirũgũami Pablo” mua yituoĩaboasere bojabeaja yu. ¹⁰ Ado bajise yirã, tire bajiro yure tuoĩaboarãja mua sīgũri: “Sõju ñacõari, papera rãca goticõajama, tud'igure bajiro manire gotiami Pablo. Mani rãca ĩ ñajama, bojonegũre bajiro manire gotiami. Ñie vaja maja mani rãca ñagũ, ĩ ñagõse”, yure yituoĩaboarãja mua. ¹¹ To bajiro yure mua yiboajaquẽne, to bajiro bajigu me ñaja yu. Tud'igure bajiro gotiroti ti ñajama, yu ucacõase rãca yu gotimasirore bajirone gotimasiaja yu, masa tu yu ñajaquẽne.

¹² Mua rãcana sīgũri, ĩna tuoĩa gotirore bajiro yibeaja yuama. Ado bajiro tuoĩacõari, gotirãma ĩna: “¿Ñimu ñati mani vatoaju butobusa tuoĩagũ? Yu ñaja butobusa tuoĩagũ” gãmerã yiñagõrãma ĩna. “Gãjerã rëtoro masirã ñaja mani”, yituoĩarãma ĩna. Tuoĩamasimena ñarãma ĩna ũnama. ĩnare bajiro yibeaja yuama. ¹³ Yu masune tuoĩarujeocõari, gotibeaja yuama. “Ado bajiro bajirã ñaja yu” muare yu gotijama, Dios, yuare ĩ rotire ñajare, to bajise muare yaja. To bajiri, “Corinto macanare quẽne yu ocare gotimasioruarãja mua”, yuare yiroticõañumi. ¹⁴ To bajiri, Dios, yuare ĩ rotijare, gãjerã rĩjoro vacõari, Cristo ĩ rijabosare suorine quẽnaro Dios ĩ yisere muare gotimasio-caju yu. ¹⁵ Gãjerã ĩna gotimasioriarãre ĩacõari, “Yuare gotimasiose suorine Cristore quẽnaro ajitirũnurã ñaama”, yibeaja yuama. Yu masu yu moare rĩne muare gotiaja yu. Quẽnarobusa Cristore mua ajitirũnurotire bojarã ñari, butobusa muare gotimasio-cõari, ejarẽmoruaja yu, Dios yuare ĩ gotiroticõariarore bajirone yirã. ¹⁶ “Cristore quẽnaro ajitirũnurã ñaama” muare yimasicõari rĩne, Dios

ĩ bojarore bajiro gajeroju ñarãre ĩ yere masimenare gotimasiocãariarãre. To bajiro yua yijama, gãjerã ĩna gotimasiocãariarãre, “Yua gotimasiocana ñaama ãnoa” yigotiruamena ñari, gotiecomenare gotirã varuaja.

¹⁷ Ado bajiro gotiaja Dios ocare masa ĩna ucamasire: “Ñamasurã ĩna bajisere mua gotivariquẽnarujama, Cristo ĩ bajisejuare gotivariquẽnaña. ĩne ñaami ñamasugũ”, yigotiaja Dios ocare masa ĩna ucamasire.

¹⁸ Ado bajiro ti bajijare, to bajiro gotiaja Dios ocare masa ĩna ucamasire: Gãji ĩ tuoĩarore bajiro yigu, “Quẽnaro yigu ñaja yu” ĩ yiboase, vaja maja ti. ĩ ũgũrema “Quẽnaro yigu ñaami”, ĩre yivariquẽnabeami Dios. “Quẽnaro yicaju mu” ĩ yirãjuã ñaama, quẽnaro yirã.

11

*“Socase gotimasiorã, Dios ĩ gotiroticãariarã me ñaama”,
Pablo ĩ yire queti*

¹ Tuoĩamasibecure bajiro yu gotiroti ti ñaboajaquẽne, mua ajisere bojaja yu. ² Diore bajiro buto muare tuoĩamaiaja yua. Ado bajiro bajaiaja: Rõmio, ũmua rãca ñaĩabeco so manaju ñarocu rĩrene tuoĩagõmo. Sore bajiro yirã mani quẽne, Cristo rĩrene ajitirũnuaja mani. Yua ñaja “Cristore ajitirũnuato” yigu, muare gotimasiocacũ. To bajiri, Dios muare ĩ maiore bajiro buto muare maiaja yu quẽne. To bajiri, “Ãnoa ñaama yu gotimasiocati suorine mure ajitirũnurã” Cristore ĩre yu yĩoroto rĩjoro, “ĩre ajitirũnu tujacõari, gãjerãjuare ajitirũnurõma” yigu, quẽnaro muare ĩatirũnurũgũaja yu. ³ Tirũmũju vãtia uju, Eva ñamasiore quẽnase sore yitomasĩnuju. To bajirone bajirãma gãjerã, socase oca gotimasiorã. ĩna gotimasiore suorine muare yitogumi. “Vãtia uju quẽnaro ĩ yitosere ajitirũnucõari, Cristo yejuare ajitirũnu tujarãma”, muare yituoĩarejaiaja yu. ⁴ Gãjerã mua tũju ejacõari, “Jesucristo,

ado bajiro bajigu masu ñagũmi” ñna yisocasere ajicõari, “To bajirone bajigu ñagũmi” ñnare yicudicõari, ajitirũnu variquẽnarãja mua. To bajiro mua yijama, Esp'iritu Santo mere ajitirũnurã yirãja mua. To yicõari, Cristo ocare, yua gotimasiocati mere, ricati gotimasiorejuare ajitirũnurã yirãja mua. To bajiro ñna yisejuare mua ajitirũnujama, quẽnabetoja. ⁵ “Dios ñ cõariarã gãjerã rẽtoro masirã ñaja yua”, mũare yisocarãma ñna. Dios ñ cõar'i, ñnare bajiro socagu me ñaja yu. “Yu rẽtoro masirã me ñarãma ñna”, yitũoĩaja yu. ⁶ ñna gotimasiorore bajiro yimasibeti-boarine, Dios ocare quẽnaro masigũ ñaja yuma. To bajiri, ñ ocare quẽnaro mũare gotirẽtoburũgũcaju yu. Cojoi me yure ajicana ñari, “Dios ocare quẽnaro masiami Pablo”, yure yimasirãja mua.

⁷ ¿Mua tu ñagũju, “Ñamasurã ñaja yua” yirãre bajiro yirocu ñaboayujari, yure? ¿Cristo ocare quẽnase mũare gotimasioigũ, vaja sãnirocu ñaboayujari? Bajibeaja. “Ñamasugũ me ñaja” yigũre bajiro bajirũgũcaju yu, “Yure tũoĩamenane, Dios oca rĩne ajitirũnucõari, ñ yarã, ñamasurã ñato” yigũ. ⁸ Gajeroana Cristore ajitirũnurã gãjoa yure ñsicama ñna, “Corinto maca tũju ñacõari, ñnare gotimasioato” yirã. Yure mua ñsiroti ñaboacati, ñnajua, yure ñsicama. ⁹ Mua tũju yu ñajaquẽne, gãjoa magũ ñaboarine, “Yure ejarẽmoña”, mũare yibeticaju yu. Macedonia vadiriarã Cristore ajitirũnurã ejacõari, yu bojaro cõro yure ñsicama. Gãjoa mũare sãnibetirũgũcaju yu. Bero quẽne sãnibetirũgũrucuja. ¹⁰ Cristore ajitirũnugũ ñari, riojo ñ gotirore bajiro, ado bajiro mũare gotiaja yu: “Gãjoa sãnibecũne, Dios ocare gotimasiorũgũaja”, yivariquẽna tũjabetirũrucuja yu. Mua, Acaya sitana jediro, “Dios ocare ñ gotimasiose vaja, vaja sãnibetirũgũami Pablo”, yimasiruarãja mua. ¹¹ Mũare buto maigũ ñari, to bajise mũare gotiaja yu. “Ñnare buto maiami Pablo”, yure

yimasigũmi Dios quẽne.

¹² “Pablõre bajiro Dios ã cõariarã ñaja yua quẽne” yisocarã, mũare ãna gotimasiose vaja, vaja sãnirũgũñu-jarã ãna. To bajiri, “Pablõre bajiro vaja sãnija yua’ yimasibeticõato ãna” yigu, mũare vaja sãnibetirucuja yu.

¹³ Socase gotimasiorĩmasa, Dios ã cõariarã me ñarãma.

¹⁴ Ñnare bajiro bajirũgũama Dios ocare ajiterã. Vãtia mũu Satanãs quẽne, cojojirema Dios tuagu ángel quẽnaro yigure bajiro bajitorũgũami. ¹⁵ To bajiro bajigu ã ñajare, “Ñre cudirã quẽne ñre bajiro bajirũgũama”, yimasija yu. “Quẽnase rĩne yirã ñaama” ñnare mũa yĩasere bojarã ñari, to bajiro bajirãma. To bajiro ãna yisere ãacõari, “Rojose tãmũorũgũuarãja mũa”, ñnare yirotirucumi Dios.

“Cristo ã cõacacu ñari, buto rojose tãmũoaja yu”, Pablo ã yire

¹⁶ Ado bajise mũare tudigotija yu: “Tũoĩamasibecure bajiro gotiami Pablo” mũa yitũoĩasere bojabeaja yu. To bajiboarine, to bajiro mũa yitũoĩajama, tũoĩamasibecure bajiro mũare yu gotisere ajiya mũa, yure mũa ãarũcũbuorotire yirã. ¹⁷ Yucũne mũare yu gotiroti mani mũu Jesucristo ã gotirotise me ñaja. Yu masune yu bajisere mũare gotiguagu yaja yu.

¹⁸ Mũa rãcana, socase gotimasiorã, jãjarã adigodoaye rĩne tũoĩarãre bajiro gotirãma, ñnare mũa ajirũcũbuorotire yirã. To bajiri “Yu quẽne, ãna gotirore bajiro gotivariquẽnarucuja” yitũoĩacõari, mojoroaca mũare gotirucuja yu, “Yure ajirũcũbuoato ãna” yigu. ¹⁹ Mũajuama, “Masirã ñaja yua”, yiboarãja, tũoĩamasimena ãna gotisere ajisũyarã ñari.

²⁰ Ñna rotiajerãre bajiro bajirã ñaboarine, ñnare ajiquejemenaja mũa. “Ñna sũorine gãjoa bũjarãsa mani” yirã, mũare ãna yitosere ajiquejemenaja. “Yũare ãarũcũbuoya” yirãre bajiro ãna bajirũgũsere ãaquejemenaja. “Ajirũcũbuobeaja

mua” yirã, muare ñna jaboajaquêne, ñnare ajiquejemenaja mua. ²¹ Yũjũama, mua tũjũ ñagũ, “Ñamasugũ me ñaja yũ” yigũre bajiro yũ bajijare, yũre ajirũcũbuomenaja mua. Muare ñna yĩrore bajiro yũ yijama, “Rojose yigũ yaja yũ” yitũoĩacõari, bojonebogũja yũma.

To bajiboarine, “Ado bajiro bajirã yũa ñajare, yũare ajirũcũbuoya” muare ñna yise ñajare, yũ quêne, tũoĩamasibecũre bajiro muare gotirũcũja yũ. ²² “Hebreo oca ñagõrã ñari, ñamasurã ñaja yũa”, muare yiyujarã ñna. Yũ quêne, Hebreo oca ñagõgũ ñaja yũ. “Yũa, israelita masa, gãjerã rẽtoro Diore masirã ñaja yũa”, yiyujarã ñna. Yũ quêne, israelita masũ ñaja yũ. “‘Quẽnaro muare yirũcũja’ Dios ñ yimasir’i, Abraham ñamasir’i jãnerabatia ñaja yũa”, yiyujarã ñna. Yũ quêne, Abraham ñamasir’i jãnamĩ ñaja yũ. ²³ “Cristo ñ cõariarã ñre moabosarã ñaja yũa”, muare yiyujarã ñna. To bajiro ñna yire ñajare, “Ñna rẽtobũsaro Cristore moabosagũ ñaja”, muare yaja yũ. Tũoĩamasibecũre bajiro muare goticõa ñaja yũ. Ado bajiro ti bajijare, “Ñna rẽtobũsaro ñre moabosagũ ñaja”, muare yaja yũ: Cojosi me bũto ñre yũ moabosajare, tubiberiavijũ yũre tubibecama masa. Cojosi me yũre bũto bajecama. Cojosi me yũre sũarũaboacama. ²⁴ Cojomocãrãcaji yũre ñiacõari, bũto rojose yirãre ñna bajarore bajiro yũre bajecama masa. Tocãrãcaine treinta y nueve ñarijiri yũre bajecama. ²⁵ Idiaji yũre ñiacõari, yucũne bũto yũre jacama ñna. Yũre sũarũarã, cojosi gũtane bũto yũre reaejoboacama. Idiaji moa riagare yũ vaboacati cũmuari rujacajũ. Cojosi cũmua rujacõari, ñmũa ñarũmũ cũti, quẽna ñamire quêne, ñna ñami cũtibusuocajũ yũ, moa riagajũ. ²⁶ Cojosi me Dios ocare gotimasiogũ, sõjũ josari vacudirũgũcãjũ yũ. Riaga gũiorojũ vacajũ. Juarudirimasa gũiorojũ vacajũ. Cojo macana me yũ yarã rojose yicama. To bajicõari, gãjerã masa vatoajũ gũiorojũ vacajũ. Jair-

imaca ñagũ, masa ñna ñabetoju quẽne, gũioroju vacaju. Moa riaga gũioroju quẽne vacaju. “Cristore ajitirũnrã ñaja yua” yitocõari, rojose yure yiruarã vatoaju vacaju yu. ²⁷ Buto josari moadicaju yu. Cojoji me cãnibecune moabusuoarũgũcaju yu. Cojoji me bare babecu, ocore quẽne idibecu, tãmuorũgũcaju. Cojoji me ñiorijarũgũcaju yu. To bajicõari, buto usarũgũcaju, sudi yure ti manijare.

²⁸ Yu rujmaye rĩ me rojose tãmuorũgũaja yu. Tocãrã-carũmune Cristore ajitirũnrã, cojo macana me yu gotimasiocana, quẽnarobusa ñre ñna ajitirũnrũtuatire bojagu ñari, ñnare buto tuoĩarejairũgũaja yu. ²⁹ Cristore ajitirũnrã ñaboarine, rojose yicõari, sutiritirãre, yu bujajama, yu quẽne, ñna rãca sutiritiaja. Cristore ajitirũnrãre gãjerã ñnare rojose ñna ãmato yijama, ñnare buto jũnisinaja yu. ³⁰ Yu bajicatire yu gotijama, “ ‘Masigũ me ñaami’ yure yimasiato” yigu, yu bajicatire muare gotivariquẽnaja yu. ³¹ Tire muare yu gotivariquẽnasere, “Riojo gotiami Pablo”, yure yimasigũmi mani uju Jesucristo jacu, Dios. Ĩ ñaami “Ñajediro rẽtoro masigũ ñaja mu” mani yirũcubuoarũgũroca. ³² Tirũmaju Damasco vãme cuti macaju yu ñarone, “Pablore ñiacõari, tubiberotirucuja” yigu, ti maca matariacũni ñarisojeriju surara mesare cũñumi, ti maca uju, Areta vãme cutigure rotibosacacu. ³³ Yure tubiberuaboarine, yure ñiamasibeticami. Ti maca matariacũni vecaju ñariviju, jibu jairibune sãcõari, sojecaju yure rujiocama ñna, yure ejarẽmorimasa. To bajiro yure ñna ejarẽmojare, rudicaju yu.

12

Dios ĩ ñaroju Pablo ĩ cãjiriare queti

¹ “ ‘Ado bajiro bajigu ñari, ñamasugũ ñaja yu’ ñnare yu yĩnagõjama, ñie vaja manoja ti” yituoĩagũ ñaboarine, mua bojarore bajiro gajeye muare gotirẽmorucuja. Yu

cājiriaroju mani uju yure ĩ ũocatire, to yicđari, yure ĩ gotimasıocatire quēne muare gotırucuja yu. ²⁻³ Tirũmuju, juãmo cđro jedı, cojo gubo babari jēnituario űaricũmari rıjoroju, ō vecaju ĩ űaraju yure amıejarimi Dios. “To bajiro yure amımujarimi”, yimasıbeaja yu, bajıgujuma. Yu rujure ĩ amımujabetıjama, yu usujuare amımujarimi. Dios sıgũne masiami tire. ⁴ “To bajiro yure amıejarimi” yimasıbecu űaboarine, “Ejacaju”, yimasıaja. Mani uju ĩ űaro, quēnarıgodo űacaju. Toju űagũ, masa ĩna masıbetıcatıre ajıcaju. ĩ gotıcati, masare ĩ gotırotıse me űacaju. ⁵ “Masıgũ űaja yu” yıgotıvarıquēnagũ yu űajama, to bajiro Dios yure ĩ yıcatıre muare gotıboguja yu. To bajıboarine, “Masıbecu űaja yu” gãjerãre yu yıajıose queti rıne gotıvarıquēnaja yu. ⁶ “Yuare rũcubuoato” yıgu, gajeye quēnaro Dios yure ĩ yıcati muare yu gotıreũmorujama, socu mene yıguja yu. Tuõıamasıbecure bajiro gotıgu me yıguja. To bajıboarine, tire ĩabeticaju muu. To bajıri, “Rıojo gotıami Pablo”, yımasımenaja. Yu gotıserı, to yicđari yu bajıűasere ĩacđari, yure muu rũcubuoıseıuare bojaja. ⁷ Dios yure ĩ ũocati buto quēnase űacaju. To bajıri, tire yure ĩoıboarine, ĩre yu ĩocati űajare, gãjerã rētoro űamasugũ yu űatuoıasere bojabecu űari, vãti rojose yure ĩ yıserı matabetıcamı. To bajıri josari jota judıcđari, mani űarore bajiro bajıaja tı, yure. ⁸ Rojose yu tãmuose, “Yuare tujato” yıgu, ıdıaji Dıore sēnıboacaju yu. ⁹ To bajiro ĩre yu sēnıboajaquēne, ado bajiro yure cudıcamı: “Cıtıobeaja yu. Yu yarã rojose ĩna tãmuojama, butobusa yure sēnırũgũama, ‘Yu bojasere yıcđa űarãsa’ yırã. To bajıro ĩna yıjama, ‘Rojose tãmuoıoarine, ĩnare yu ejarēmojare, quēnaro yama’ yımasıama masa”, yure yıcamı Dios. ¹⁰ To bajıri, “Crıstore ajıtırũnugũ űari, rojose tãmuojaja” yımasıcđari, varıquēnaja yu. Cojıo me rojose tãmuocaju yu. Cojıo me rojose yure yıcoderũgũama masa. Cojıo

me yu bojase ruyarũgũaja yure. To bajirivãme rojose tãmuogũ ñaboarine, ado bajise tuoia variquẽnarũgũaja yu: “Rojose tãmuoboarine, yure i ejarẽmoroti ti ñajare, i bojarore bajiro yicõa ñarucũja”, yituoia variquẽnarũgũaja yu.

Pablo, Corinto macanare i tuoiarejaire queti

¹¹ Yu bajisere gotigu tuoiamasibecure bajiro gotibu yu. “Quẽnaro yigu ñaami Pablo” mua yibetijare, yu masune to bajiro yibu yu. To bajiboarine, “Quẽnaro yigu ñaami Pablo”, yiroti ñaboayuja muare. Mu tũju ñarã, Dios i cõariarã ñaja ñamasurã yirã rẽtoro ñamasugũ ñaja yu. ¹² Rojose tãmuoboarine, mua tũju ñagũ, Dios i masise rãca jairo ñaiañamani muare yiiorũgũajaju yu, “ ‘Dios i cõar'i ñaami Pablo’ yure yimasiato” yigu. ¹³ “Gajeroana Jesucristore ajitirũnurãrema quẽnabusaro yigumi Pablo”, ¿yituoĩaboati mua? Cojoro cõrone muare yirũgũaja yu. To bajiro yigu ñaboarine, gãjerã Jesucristore ajitirũnurãrema, “Yure ejarẽmoña mua, ‘Ñamasiato’ yirã”, ñnare yicaju yu. Muarema, to bajiro yibeticaju. To bajiro muare yibeticõari, ñnare yu yirore bajiro muare quẽne yiroti ñaboayuja ti, yure. “To bajiro rojose muare yu yisere masirioya”, ¿muare yiguada yu? Yibecũja. To bajiro yu yibeticati, “Rojose me ñacaju”, yimasirãja mua.

¹⁴ Juaji mua tũju ejacaju yu. To bajiri yucu yu vase rãca idiaji muare ñagũ varucũja. Yu varoto rĩjoro, quẽnojeocõaja yu, jẽre. Mua tũju ejacõari, “Yure ejarẽmoña, yu ñamasirotire yirã” muare yu yibeticatore bajiro yibetirucũja yu quẽna. Gãjoa mua yere bojabeaja yu. Yure ñamaicõari, Dios i bojarore bajiro mua yirotijũare bojaja yu. Yu rĩare bajiro bajijaja mua. Ñna rĩa me ñaama ñna jacũare ñatirũnurã. Jacũajua ñaama ñna rĩare ñatirũnurã. To bajiri mua jacure bajiro bajigu ñari, yure mua ñatirũnusere bojabeaja yu. To bajiri, “Yure ejarẽmoña yu ñamasirotire

yirã”, mware yibetirucuja. ¹⁵ Mware buto maigũ ñari, jediro yu cuose mware ñicõari, yu yimasiro cõro quẽnaro mware yirua tuoĩavariquẽnaja yu, “Cristore quẽnabusaro ajitirũnurũtuajaro” yigu. Buto mware yu maiboajaquẽne, mwaɣama, yure maibetibusaja.

¹⁶ “Yure ejarẽmoña, yu ñamasiretore yirã’ yibeticami Pablo”, yure yituoĩarãja mwa. To bajiboarine, “Quẽnaro tuoĩagũ ñari, ‘Gãjoa buɣusa’ yigu, manire yitorimi”, ɣure yituoĩaboati mwa sigũri? ¹⁷ “Manire ñ queti cõariarã rãca manire yitorimi Pablo”, ɣituoĩaboati mwa? Mware yitobeticaju yu. ¹⁸ “Ñare ñama” yigu, tirũmju mwa tju Titore cõacaju yu, gãji Cristore ajitirũnugũ mani maigũ rãca. “Manire yitorimi Tito”, ɣituoĩaboati mwa? Yitobetirimi. “Quẽnaro yigu ñaami”, ñre yimasirãja mwa. Yu tuoĩarore bajiro tuoĩacõari, mwa rãca yu bajiñacatore bajiro bajiñarimi.

¹⁹ “Ñare mani ñavariquẽnarotire yirã, manire goticõarãma Pablo mesa”, ɣituoĩaboati mwa? To bajiro me bajiaja. Ado bajirojua bajiaja: Cristore ajitirũnurã ñari, ñ bojarore bajiro mware goticõarã yaja yua. Quẽnaro yure ajiya yua mairã. Jediro mware yua goticõase, “Cristore quẽnabusaro ajitirũnato” yirã, mware goticõarã yaja yua. ²⁰ Mware yu ñacudigu vatirũmu, quẽnaro yure mwa ñayusere bojaja yu. “Cojojirema quẽnaro ñayubetiborãma”, yituoĩarejaiaja yu. Gãmerã oca josacõari, mwa bajiñarore ejaruabeaja. Mwa ñarojure ado bajiro mwa gãmerã yise ñaroja: Gãmerã tud’ire, “Mani rõtobusaro quẽnaro ñaama” yĩajũnisinire, ñna ajibeto ñagõjaire, “Ñna rõtoro ñamasurã ñaja yua” yituoĩare, tocãrãcune ricati rĩne tuoĩacõari, ñna masurione ñna bojarore bajiro ñna yirũgũse quẽne ñaroja. To bajiro mwa gãmerã yĩnajama, tuoĩarejaiborãja mwa, “Manire tud’igugũ yigumi” yirã. ²¹ Mwa tju yu vacudiro

rojose mua yicōa ñajama, Dios ï ïaro rĩjorojua, “Yũ gotimasiosere quēnaro ajitirũnuama ïna’ yimasibecuja”, yituoĩarejaiaja yũ. “Jãjarã mua rãcana gãmerã ajeriarã cuticōa ñarãre yũ ïabuajama, buto otigu yiguja yũ”, yituoĩarejaiaja. “Tuoĩarejaibeticōato” yirã, rojose mua yisere yitujaya mua.

13

Pablo ï gotitusare queti

¹ Juaaji mua tujũ ejacaju yũ. To bajiri yucu yũ vase rãca idiaji muare ïagũ ejarucuja yũ. To bajiri, rojose mua yirere yitujacōari, quēnasejuare tuoĩaña mua, yũre yurã. Ado bajise Dios ocare masa ïna ucamasire gotiaja: “Rojose yir'ire ïna oca sãjama, juarã, idiarã ñacōari ïna oca sãjama, quēnarũaroja. To bajiri ïna idiarãjũne, to bajirone ïna ñagōjama, ïnare ajirã quēne, ‘Socarã me yama’ yimasirãma”, yigotiaja Dios ocare masa ïna ucamasire. ² Tirũmũju mua tujũ ñagũ, rojose yiriarãre, yibetiriarãre quēne ado bajise yicaju yũ: “Rojose mua yise mua yitujabetijama, quēna mua tujũ ejagu, rojose mua yicōa ñarũgũse vaja rojose muare yirucuja yũ. Adirũmũrrema muare rojose yũ yibetiboajaquēne, yũ yirotire masiña”, muare yicaju yũ. Mua tujũ ñabecu quēne, to bajirone muare goticōa ñaja yũ. “To bajiro gotigu ñaboarine, yibecumi”, yũre yituoĩabesa. ³ “‘Cristo ï bojasere gotiaja mu’ yua yimasirotire yigu, ïañañamani yuare yĩoma” yũre mua yicōare ñajare, to bajirone yirucuja yũ. “Cristo, manire rojose ï yijama, no yibeaja. Masibecu ñagũmi”, ïre yituoĩabesa mua. Yũ suorine ï masisere muare yĩorucumi. ⁴ Masijeogu ñaboarine, manire bajiro ruju cuticōari, yucútëroju ï jaju ecoriaro bero, masibecure bajiro bajirocacoasumi Cristo. To bajiboarine, Dios ï masise rãca tudicaticōari, ñagũmi quēna. Cristore bajiro rojose

tãmuorũgũaja yua quẽne. To bajiro bajirã ñaboarine, ãre ajitirũnu tujamena ñari, ãre bajirone bajicõa ñaruarãja. Dios ã ejarẽmose rãca muare ejarẽmocõa ñaruarãja.

⁵ Mũa masune, “¿Cristore ajitirũnurã masu ñati yua?”, yituoĩaña mũa. Cristore ajitirũnurã mũa ñajama, mũa rãca ã ñasere masiaja mũa. ã ñabetijama, ãre ajitirũnurã masu me ñaja mũa. To bajiro mũa bajijama, mũa masune, “Cristore ajitirũnurã ñaja yua”, yisocarãja mũa. ⁶ Yũajũare, “Cristo ã cõariarã masu ñaama” yũare mũa yimasirotire bojaja yũ. Cristore ajitirũnurã mũa ñajama, to bajiro yirãja mũa. ⁷ “Rojose mũa yirũgũrere yitujato” yirã, Diore muare sãnibosaja yua. “Dios ocare quẽnaro gotimasioñumi Pablo” mũa yivariquẽnarotire yigũ me, Diore muare sãnibosaja yua. Quẽnasejũare mũa yirotire bojarã ñari, yaja. “Gãjerã socase gotimasiorã yama” yũre mũa yiboajaquẽne, quẽnase mũa yiroti ñaja ñamasusema. ⁸ “Ñamasusere ajitirũnuato” yirã, Dios ocare gotimasiorũgũaja yua. Ñamasusere mũa ajitirũnu tujasere bojabeaja. ⁹ To bajiri mũa tujũ ejacõari, “Quẽnaro Cristore ajitirũnuama ãna” muare yua yĩamasijama, tud'irãre bajiro muare yibetiruarãja yua. To bajiro mũa bajisere ãacõari, variquẽnaruarãja yua, “Quẽnaro gotimasiasibeamã Pablo mesa” mũa yise ti ñaboajaquẽne. “Cristore ajitirũnucõari, ã bojarore bajiro rĩne yirã ñato ãna” yirã, Diore muare sãnibosaja yua. ¹⁰ Mũa tujũ ejacõari, tud'igure bajiro muare gotirũabecu ñari, yũ varoto rĩjoro papera ucacõari, muare cõaja yũ. Mani uũ, “Yũ yere ajicõari, sutiritiato” yigũ me, yũre cõacami. “Tire ajivariquẽnato” yigũjua, yũre cõacami.

¹¹ Yũ mairã, to cõrone muare yũ gotimasiosere ucaja yũ. Tire ajitirũnuña. Cristo ã bojarore bajiro rĩne yirũgũña mũa. Sĩgũre bajiro tuoĩacõari, quẽnaro ñaña mũa. To bajiro mũa bajijama, mũa rãca ñacõa ñarũgũrũcũmi Dios.

Ĩ ñaami ĩ masisere ɱjogɱ, “Gãmerã maicõari, quẽnaro ñato” yigu. ¹² Cristore ajitirũnũrã ñari, mũa rějajama, quẽnaro variquẽnase rãca gãmerã sẽnima. ¹³ Adoana Cristore ajitirũnũrã, “Quẽnato”, mũaare yicõaama ĩna.

¹⁴ Maní ɱjɱ, Jesucristo, quẽnasere mũaare cõarũgũato. Mũaare ĩamaiato Dios. To yicõari, Esp'iritu Santo, mũa jediro rãca ñacõa ñarũgũato.

To cõro ñaja.

Dios oca gotirituti

New Testament in Barasana-Eduria (CO:bsn:Barasana-Eduria)

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Barasana-Eduria

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 8 Sep 2021 from source files dated 18 Aug 2021

b6661d38-f021-5259-8010-5dec5b9ba28d